

BAHAGIAN AUDIT DALAM UPM

PEMANGKIN KECEMERLANGAN TATAKELOLA UNIVERSITI

Kandungan

2 Kenali Audit Dalam

3 Pematuhan Piawaian Pengauditan Antarabangsa

4 Fokus Strategik 2026: Memacu Anjakan Tatakelola Universiti

5 Memperkasa Bakat: Nadi Evolusi Audit Masa Hadapan

6 Kesejahteraan Holistik: Pemangkin Jiwa Putra

7 Lensa Ilmu: Adab dan Etika Bekerja Dalam Dunia AI



Mesej Utama Ketua Audit Dalam

Mendepani landskap transformasi tatakelola perkhidmatan awam, Bahagian Audit Dalam memainkan peranan penting bagi memperkukuh keupayaan Universiti dalam mencipta, menambah dan mengekalkan nilai melalui penyampaian perkhidmatan keyakinan (*assurance*), nasihat serta pandangan strategik (*insight and foresight*). Pendekatan ini bertujuan untuk mempertingkatkan keberkesanan tatakelola, pengurusan risiko dan kawalan dalaman Universiti. Kini Bahagian Audit Dalam berfungsi menjangkau batasan semakan pematuhan biasa dan bertindak sebagai pemangkin kecemerlangan tatakelola Universiti, seiring dengan tekad "Audit Berkualiti Pemangkin Kecemerlangan True North".


Melalui buletin dwitahunan edisi pertama, Bahagian Audit Dalam berkongsi inisiatif yang telah dijalankan sepanjang bulan Januari hingga Jun 2026.

Kenali Audit Dalam

VISI Pemangkin Kecemerlangan Tatakelola Universiti

MISI Melaksanakan pengauditan berkualiti dan secara profesional berdasarkan piawaian pengauditan antarabangsa

Evolusi Audit Dalam UPM



Fungsi Utama

Memperkuhkan keupayaan Universiti **mencipta nilai, menambah nilai dan mengekalkan nilai** melalui keyakinan (*assurance*), nasihat serta pandangan (*insight and foresight*) secara bebas, objektif dan berasaskan risiko bagi mempertingkatkan proses tatakelola, pengurusan risiko dan kawalan dalaman.

Struktur Tadbir Urus



Pematuhan Terhadap Piawaian Pengauditan Antarabangsa

PROGRAM JAMINAN DAN PENINGKATAN KUALITI

Program Jaminan dan Peningkatan Kualiti atau *Quality Assurance and Improvement Program* (QAIP) dilaksanakan bagi memastikan fungsi Audit Dalam sentiasa mematuhi piawaian global, menepati matlamat prestasi dan menyokong budaya penambahbaikan berterusan melalui penilaian kualiti dalaman dan luaran.

Penilaian Kualiti Dalaman

Melibatkan pemantauan berterusan dan penilaian sendiri secara berkala. Bahagian Audit Dalam turut melaksanakan penilaian *peer review* pada setiap tahun bagi memelihara kualiti pengauditan.



Penilaian Kualiti Luaran

Melalui *Self-Assessment with Independent Validation* (SAIV) yang dikendalikan oleh penilai bertauliah luar setiap lima (5) tahun, Bahagian Audit Dalam berjaya mengekalkan penarafan kualiti tertinggi iaitu '**Generally Conforms**' pada Disember 2023.

The Institute of Internal Auditors Malaysia

Universiti Putra Malaysia
External Quality Assessment Report
December 2023

OVERALL OPINION AS TO CONFORMANCE TO THE STANDARDS

The overall assessment is that the AD "Generally Conforms" to the Standards. Please refer to ATTACHMENT B for the Standard Rating Definition. The individual assessment is provided as follows:

Standards	Generally Conforms	Partially Conforms	Does Not Conform
Attribute Standards			
Performance Standards			
Code of Ethics			

Bahagian Audit Dalam kini dalam fasa persediaan dan komited ke arah pemuatan **Global Internal Audit Standards (GIAS)** oleh The Institute of Internal Auditors (IIA) yang berkuat kuasa sepenuhnya pada 9 Januari 2025.



Fokus Strategik 2026

MEMACU ANJAKAN TATAKELOLA UNIVERSITI



Memantapkan Keberkesanan Fungsi Audit Bagi Memperkukuh Tatakelola

- Merangka Rancangan Audit Tahunan (RAT) 2027 berasaskan risiko
- Melaksanakan penilaian dalaman bagi memastikan pematuhan fungsi audit terhadap *Global Internal Audit Standards (GIAS)*



Memantapkan Pengauditan Melalui Teknologi dan Pendigitalan

- Melaksanakan pendigitalan proses kerja untuk pemantauan tugas audit yang lebih efisien
- Membangunkan Audit Data Warehouse bagi memantapkan pengurusan dan analisis data



Meningkatkan Kompetensi Bakat Pegawai

- Memperkasa kemahiran staf melalui penganjuran sesi "Deep Dive" bersama pakar subjek dan program peningkatan kompetensi khusus
- Melaksana inisiatif kesejahteraan holistik bagi menyokong kesihatan mental dan fizikal



Mengukuhkan Posisi Bahagian Audit Dalam

- Mempergiat penglibatan dalam sesi perkongsian ilmu dan amalan baik (*best practices*) bersama Universiti Awam
- Menganjurkan inisiatif "Audit Care" bagi meningkatkan kesedaran dan libat urus bersama pihak berkepentingan



Memperkasa Bakat

NADI EVOLUSI AUDIT MASA HADAPAN



29 Jan: Bengkel Pelan Strategik Audit Dalam

Merangka hala tuju dan keutamaan strategik Bahagian Audit Dalam bagi tahun 2026 selaras dengan keperluan tadbir urus universiti dan Global Internal Audit Standards (GIAS).




16 Feb: Deep Dive 1.0

Fokus kepada pemantapan pemahaman proses kerja jaringan industri dan komuniti bersama pakar dari JINM.



8 Apr: Lawatan Eksplorasi Profesional UniSZA

Program penanda aras pelaksanaan Penilaian Kualiti Dalam (Quality Assurance and Improvement Program- QAIP) serta metodologi pengauditan yang diamalkan oleh Audit Dalam UPM.



27 Apr: SALIHIN Digital Forum

Mengupayakan tadbir urus digital selaras dengan transformasi teknologi masa kini.



29 Apr: Deep Dive 2.0

Meningkatkan pemahaman proses kerja modul penerimaan dan 'Account Receivable' Sistem Putra Finance bersama Seksyen Pengurusan Hasil dan Kawalan Kredit.



21 Mei: Sesi Perkongsian Pengauditan ICT

Memperkukuh pengetahuan berkaitan pengauditan ICT, kawalan tadbir urus ICT dan keselamatan siber.



Kesejahteraan Holistik

PEMANGKIN JIWA PUTRA

Program Reformasi Jiwa [Jan 2026]

Memupuk kesedaran psiko-spiritual dan kerjaya pegawai.

Brisk Walk+Plogging AD 1.0 [Mei 2026]

Gabungan aktiviti berjalan kaki dan plogging di Dusun Contoh dan Dusun Humphrey UPM sebagai pendekatan membudayakan gaya hidup sihat seiring pemeliharaan alam sekitar.

Terapi Seni [Mei 2026]

Seni kraf kreatif *Diamond Painting* yang memerlukan warga Audit Dalam menampal manik-manik kecil mengikut kod warna tertentu pada kanvas bagi menghasilkan karya seni yang menarik dan tersusun.

X-Plorace Putra Thrive [Jun 2026]

Penyertaan pasukan audit dalam pertandingan yang menguji kemahiran komunikasi, penyelesaian masalah dan kerjasama berpasukan.

Pertandingan Eco-Sinergi Putra Sempena Bulan Sinergi [Jun 2026]

Menganjurkan program pertandingan eco-sinergi yang terbuka untuk pelajar UPM bersama-sama pihak WAZAN.

PutraSihat 10,000 Langkah Sempena Bulan Sinergi [Jun 2026]

Penyertaan seluruh warga Audit Dalam bagi menyokong agenda universiti dalam mengamalkan gaya hidup aktif.



Lensa Ilmu

ADAB DAN ETIKA BEKERJA DALAM DUNIA KECERDASAN BUATAN (AI)

 Encik Mohd Faiz bin Suparman, Akauntan Bahagian Audit Dalam

Dalam landskap pekerjaan moden yang dipacu teknologi, *Artificial Intelligence (AI)* kini menjadi pemangkin utama dalam meningkatkan produktiviti melalui keupayaan automasi, analisis data dan penjana laporan pantas. Walau bagaimanapun, kebergantungan kepada teknologi ini menuntut penerapan nilai moral, integriti, dan tanggungjawab profesional yang tinggi.

Integriti dan Akauntabiliti Profesional



AI sebagai Pembantu, Bukan Pengganti

AI hanyalah alat sokongan dan tidak mempunyai pertimbangan moral atau konteks kemanusiaan.



Akauntabiliti Mutlak Manusia

Tanggungjawab terhadap hasil keputusan tetap terletak sepenuhnya di tangan manusia, bukan teknologi.



Ketelusan dalam Pelaporan

Bersikap jujur dan mengisytiharkan penggunaan AI dalam penyediaan dokumen serta analisis rasmi.

Kawalan Kualiti dan Keselamatan Data



Perlindungan Data Sensitif

Patuhi polisi organisasi dengan tidak berkongsi maklumat sulit ke dalam sistem AI.



Kekalkan Pemikiran Kritikal

Elakkan kebergantungan melampau bagi memastikan kemahiran analitikal manusia tetap tajam dan bebas.



Penilaian Adil Tanpa Bias

Sentiasa semak output AI untuk mengesan dan membetulkan unsur diskriminasi atau ralat.

HUBUNGI KAMI

Jadilah rakan sinergi kami dalam memacu kecemerlangan tadbir urus UPM. Hubungi kami untuk sebarang khidmat nasihat strategik.

BAHAGIAN AUDIT DALAM

Tingkat 2,
Blok F, Bangunan Sekolah Perniagaan
dan Ekonomi (SPE),
Jalan Persiaran Tulang Daing,
Universiti Putra Malaysia,
43400 Serdang, Selangor Darul Ehsan



03-9769 1346



03-9769 6176



audit_dalam@upm.edu.my

JOM IKUTI KAMI!



IMBAS KOD QR UNTUK BERKONGSI PANDANGAN



*Where opinions
shape tomorrow*